

**FEDERACIJA BOSNE I HERCEGOVINE
FEDERALNO MINISTARSTVO TRGOVINE
MOSTAR**

Na osnovu tačke IV. Odluke o kriterijima i postupku finansiranja i sufinansiranja neprofitnih organizacija - udruženja potrošača („Službene novine Federacije BiH“, broj 41/15) i Odluke o usvajanju Programa utroška sredstava „Tekući transferi neprofitnim organizacijama - podrška udruženjima potrošača“ utvrđenog Budžetom Federacije Bosne i Hercegovine za 2023. godinu Federalnom ministarstvu trgovine („Službene novine Federacije BiH“, broj 15/23), Federalno ministarstvo trgovine raspisuje

**JAVNI POZIV
ZA RASPODJELU SREDSTAVA TEKUĆI TRANSFERI NEPROFITNIM
ORGANIZACIJAMA - PODRŠKA UDRUŽENJIMA POTROŠAČA
U FEDERACIJI BOSNE I HERCEGOVINE ZA 2023. GODINU**

1. OPIS

Javni poziv za raspodjelu sredstava tekući transferi neprofitnim organizacijama - podrška udruženjima potrošača u Federaciji BiH utvrđuje uslove i način raspodjele sredstava namijenjenih za unapređenje zaštite potrošača u Federaciji BiH za 2023. godinu kroz podršku radu i jačanju kapaciteta udruženja potrošača i provođenje projektnih aktivnosti u oblasti informisanja i savjetovanja potrošača.

Javni poziv se raspisuje za:

1. Podršku radu i jačanju kapaciteta udruženja potrošača

2. Projekte informisanja i savjetovanja potrošača kroz sljedeće teme:

- Unapređenje informisanosti potrošača o pravnom i institucionalnom okviru za zaštitu potrošača, putem održavanja stručnih savjetovanja, seminara, skupova, radionica i okruglih stolova, učešća u TV i radio emisijama, izdavanje letaka, brošura i ostalih informativnih materijala;

- Povećanje nivoa zaštite potrošača putem organizovanog savjetovanja u konkretnim potrošačkim problemima.

Udruženje može samostalno konkurisati samo sa jednim projektom. Ukoliko udruženje dostavi više od jedne prijave projekta neće se uzeti u razmatranje niti jedna od njih.

2. CILJEVI PROGRAMA

- Unapređenje sposobnosti potrošača da adekvatno i shodno svojim pravima, obavezama i osiguranoj zaštiti, informisano i kritički reaguju na tržištu;

- Stvaranja i poboljšanja uslova za rad udruženja kroz sufinansiranje režijskih troškova,
- Provođenje projekata informisanja i edukacije potrošača kroz održavanja stručnih savjetovanja, seminara, skupova, radionica, okruglih stolova, učešća u TV emisijama, izdavanja informativnih letaka, brošura i ostalih informativnih materijala, kao i savjetovanje i podrška potrošačima u rješavanju pritužbi ili sporova sa trgovcima i/ili davaocima usluga.

3. PRAVO UČEŠĆA

Pravo učešća po ovom Javnom pozivu imaju udruge potrošača sa sjedištem u Federaciji BiH, registrirane u skladu sa Zakonom o udruženjima i fondacijama („Službene novine Federacije BiH“, broj 45/02) i Zakonom o udruženjima i fondacijama BiH („Službeni glasnik BiH“ broj 32/01).

Prijavu za projekt mogu dostaviti udruge čije je djelovanje usmjereno na područje zaštite prava potrošača i koje aktivno djeluju najmanje dvije (2) godine u području za koje prijavljuju projekt.

Udruge mogu svoje prijedloge projekata kandidirati pojedinačno ili u suradnji sa drugim udruženjima, kao zajednički projekt. Kod zajedničkog projekta mora se jasno definirati udruženja nosilac projekta i učesnici u projektu.

Projekti koji su financirani iz drugih izvora mogu biti kandidirani za sufinansiranje po osnovu ovog Javnog poziva, u skladu sa tačkom VIII. Odluke o kriterijima i postupku financiranja i sufinansiranja neprofitnih organizacija – udruženja potrošača. („Službene novine Federacije BiH“, broj 41/15).

Pravo prijave po ovom Javnom pozivu nemaju udruženja koja nisu ispunila obaveze po osnovu ugovora o dodjeli finansijske podrške za provođenje projekata koje je odobrilo Federalno ministarstvo trgovine za prethodnu godinu.

4. OBAVEZNA KONKURSNA DOKUMENTACIJA

4.1.

Prijava za podršku radu i jačanju kapaciteta udruženja potrošača kroz sufinansiranje režijskih troškova po ovom Javnom pozivu se dostavlja na Obrascu broj 1. koji je sastavni dio konkursne dokumentacije.

Uz prijavu se dostavlja:

- Dokaz o registraciji udruženja;
- Statut udruženja;
- Izvještaj o radu i finansijski izvještaj za 2022. godinu usvojen od strane Skupštine udruženja;
- Informacije o prioritetima planiranim i realizovanim aktivnostima za 2023. godinu (zaključno sa 30.06.2023. godine);
- Podaci o angažiranim kadrovskim kapacitetima za rad sa potrošačima;
- Dokaz o evidentiranom broju članova udruženja;
- Dokaz o prostornim i tehničkim uslovima za djelovanje udruženja.

4.2.

Prijava prijedloga projekta se dostavlja na obrascima koji su sastavni dio konkursne dokumentacije i u skladu sa zahtjevima definisanim u ovom Javnom pozivu.

Obavezna dokumentacija:

- Prijedlog projekta sa detaljnim obrazloženjem;
- **Obrazac 1. „Prijava“**, popunjena i ovjerena od strane ovlaštenog lica;
- **Obrazac 2. „Prijedlog projekta“**
 - Naziv projekta
 - Ciljevi projekta i njihova mjerljivost;
 - Opis projekta i metodologija realizacije,
 - Ciljna grupa i očekivani efekti projekta na pripadnike ciljne grupe;
 - Projektne aktivnosti i vremenski plan realizacije projektnih aktivnosti sa informacijama o angažovanju tehničkih kapaciteta i uključenosti članova projektnog tima u njihovu realizaciju;
- **Obrazac 3. „Budžet projekta“**.
 - Budžet projekta mora biti iskazan u KM po projektnim aktivnostima i u njega mogu biti uključeni samo opravdani troškovi - rashodi vezani za potrebe realizacije projektnih aktivnosti;
 - Struktura izvora finansiranja (ukoliko je u pitanju više izvora finansiranja);
- **Obrazac 4. „Kadrovski kapaciteti“**.
 - Podaci o angažovanim kadrovskim kapacitetima za realizaciju projektnih aktivnosti i biografije angažovanih lica.
- **Obrazac 5. „Tehnički kapaciteti“**
 - Podaci o raspoloživim tehničkim kapacitetima za realizaciju projektnih aktivnosti (oprema, prostorije i sl.)
- **Obrazac 6. „Iskustvo u realizaciji projekata“**
 - Podaci o realizovanim sličnim projektima (naziv projekta, izvori finansiranja, ciljevi, ciljne grupe, aktivnosti, informacije o realizaciji, vrijednost projekta i dr. korisne informacije)
- **Obrazac 7. „Izjava o zajedničkom projektu,“**
 - Ukoliko projektne aktivnosti realizuju dva ili više udruženja Izjava o zajedničkom projektu treba biti potpisana i ovjerena od strane ovlaštenih lica svih uključenih udruženja. Uz Izjavu o zajedničkom projektu priložiti dokument o partnerskoj saradnji na realizaciji projekta u kojem će biti definisan oblik saradnje i obaveze svih partnera u predloženom projektu.
- **Dokaz o registraciji udruženja** (ako je zajednički projekat za sva udruženja);
- **Statut udruženja** (ako je zajednički projekat za sva udruženja);
- **Izveštaj o radu i finansijski izvještaj za 2022. godinu usvojen od strane skupštine udruženja** (ako je zajednički projekat za sva udruženja);
- **Informacije o prioritetima, planiranim i realizovanim aktivnostima za 2023. godinu** (zaključno sa 30.6.2023. godine).

5. KRITERIJI

Kriteriji za finansiranje i sufinansiranje utvrđeni su Odlukom o kriterijima i postupku finansiranja i sufinansiranja neprofitnih organizacija-udruženja/udruženja potrošača.

5.1. Kriteriji za podršku radu udruženja:	Vrijednost (%)
- broj evidentiranih članova udruge	10
- prostorni i tehničkih kapaciteti	20
- realizovane aktivnosti u prethodnoj godini	30
- planirane i realizovane aktivnosti u tekućoj godini	20
Ukupno:	100

5.2. Kriteriji za izbor projekata:	Vrijednost (%)
- precizno definisanje problema i način njegovog rješavanja	10
- precizno definisanje ciljane grupe i korisnika rezultata projekta	5
- izvodljivost projektnih aktivnosti sa konkretnim uticajem i mjerljivim rezultatima	10
- teritorijalna pokrivenost	10
- finansijska izvodljivost predloženog projekta, sa tačno naznačenim stavkama budžeta	10
- kadrovski kapaciteti podnosioca prijave za realizaciju predloženih projektnih aktivnosti	20
- tehnički kapaciteti podnosioca prijave za realizaciju predloženih projektnih aktivnosti	10
- iskustvo u pripremi i realizaciji projekata:	
a) ima iskustvo u pripremi i realizaciji do tri projekta	4
b) ima iskustvo u pripremi i realizaciji više od tri projekta	6
- saradnja sa drugim udruženjima na realizaciji projekta	10
- nosilac projekta obezbijedio sredstva kroz sufinansiranje od treće strane	5
Ukupno:	100

6. FINANSIRANJE

Za unapređenje zaštite potrošača u Federaciji BiH za 2023. godinu odobrena su sredstva u ukupnom iznosu od 47.000,00 KM (četrdesetsedamhiljada KM), od čega 22.000,00 KM (dvadesetdvijehiljade) za podršku radu i jačanju kapaciteta udruženja potrošača i 25.000,00KM (dvadesetpethiljada) za projektne aktivnosti - informisanje i savjetovanje potrošača.

Isplata odobrenih sredstava će se izvršiti po osnovu Ugovora o implementaciji sredstava, koji će biti zaključen između Ministarstva i udruženja.

Realizacija izabranih projekata otpočinje danom uplate sredstava na račun udruženja.

Planirane projektne aktivnosti treba da budu realizovane u periodu od 6 (šest) mjeseci od dana početka realizacije projekta.

7. OPRAVDANI TROŠKOVI

Troškovi koji mogu biti pokriveni odobrenim sredstvima su navedeni u Obrascu 3. Budžet projekta. Vrijednost troškova mora biti iskazana u KM, u bruto iznosima (sa obračunatim PDV-om).

8. NADZOR NAD UTROŠKOM SREDSTAVA

Nadzor utroška sredstava vršiće Ministarstvo, i to:

- Redovnom tromjesečnom kontrolom izvještaja udruženja potrošača o realizovanim aktivnostima i finansijskoj realizaciji i dokumentacije kojom se dokazuje namjenski utrošak sredstava;
- Vanrednom kontrolom.

9. PRIJAVA I DOSTAVLJANJE

Javni poziv se može preuzeti na službenoj stranici Ministarstva www.fmt.gov.ba.

Prijave po ovom Javnom pozivu trebaju biti sa uvezanim i numerisanim stranicama, tako da čine jednu cjelinu i da se stranice ne mogu fizički odvojiti, u suprotnom prijave neće biti razmatrane od strane komisije.

Prijave na Javni poziv se dostavljaju isključivo poštom, na adresu:

FEDERALNO MINISTARSTVO TRGOVINE
(zgrada Vlade F BiH)
Ante Starčevića b.b.
88000 Mostar,

Prijave na Javni poziv se dostavljaju u koverti na kojoj treba naznačiti naziv udruženja uz napomenu:

„PRIJAVA NA JAVNI POZIV ZA PRIJEDLOG PROJEKTA U 2023.GODINI“ - NE OTVARATI

10. ROKOVI

Rok za podnošenje prijave je 30 dana od dana objavljivanja Javnog poziva u dnevnim novinama.

Nepotpune i neblagovremene prijave, prijave pristigle elektronskom poštom ili putem faxes smatraće se nevažećim i neće se razmatrati.

11. OBJAVA REZULTATA

Odluku o raspodjeli sredstava tekućih transfera na prijedlog Komisije za provođenje Javnog poziva donosi Federalni ministar trgovine.

Rezultati Javnog poziva će biti objavljeni na Internet stranici Ministarstva www.fmt.gov.ba i u Službenim novinama Federacije BiH.

12. PRAVO PRIGOVORA

Na Odluku o raspodjeli sredstava tekućih transfera može se podnijeti prigovor Federalnom ministru trgovine u roku od 8 dana od dana objave Odluke.


MINISTAR
Amir Hasićević

Obrazac 1. - PRIJAVA

Naziv: Zahtjev za podršku/ Prijava projekta	
Oblast na koju se odnosi projekat	
Vrsta projekta: pojedinačni i/ili zajednički	
Naziv podnosioca prijedloga projekta (vodeći partner u zajedničkom projektu)	
Naziv partnera u projektu	

PODACI O UDRUŽENJU	
Naziv udruženja	
Sjedište (adresa)	
Telefon, faks i e-pošta	
Adresa internet prezentacije	
Broj i datum registracije	
Podaci o bankovnom računu	
Ovlaštena osoba (ime i prezime, funkcija u udruženju)	
Kontakti (adresa, telefon, faks i e- pošta)	
Kontakt osoba (ime, prezime i funkcija u udruženju)	
Kontakti (adresa, telefon, faks i e- pošta)	

Mjesto, datum

M.P.

Ovlašteno lice